

Incumbensa Berther concernent la protecziun duraivla da la sfera privata dals abitants en il chantun Grischun

Ilis ultims mais hai jau stuì constatar ch'i vegnan utilisadas dapertut en il chantun adina dapli dronas cun cameras e cun cameras termicas. Natiralmain pon dronas cun cameras e cun traplas fotograficas vegnir applitgadas per tschertas incumbensas. Displaischavlamain vegnan quests meds tecnicos applitgads ed utilisads per part en moda nunprofessionala. Tschertas persunas dovràn quests meds cun respect, autras ignoreschan tut. Plinavant chattan ins er dapertut cameras da fotografar, traplas fotograficas e cameras termicas che registreschan e surveglian conscientamain u inconscientamain di e notg las persunas ed ils animals. Da la sfera privata vegni prendì resguard plitost darar.

Il svilup incontrollabel da meds tecnicos che pon vegnir applitgads di e notg e dapertut per survegliar umans ed animals, sto vegnir reglà.

L'utilisaziun da tals meds tecnicos duai vegnir franada. Tut tgi che vul utilisar tals meds sto far ina scolaziun da basa e reussir in examen. Uschia pudess ins render attent ils utilisaders a la problematica ed a la sfera privata.

Nus essan in chantun turistic che vul porscher als abitants ed als giasts in'atmosfera d'abitar agreabla e che sto en mintga cas proteger la sfera privata.

Per quests motifs duai la Regenza vegnir incumbensada d'adattar las leschas e las ordinaziuns chantunales pertutgadas uschia, che la sfera privata en il chantun Grischun vegn definida sco bain d'auta valur e ch'ella vegn er protegida correspondentamain.

Cuira, ils 20 d'october 2021

Berther, Giacomelli, Schmid, Alig, Berweger, Bettinaglio, Brunold, Caluori, Cantieni, Casty, Crameri, Danuser, Della Cà, Della Vedova, Deplazes (Rabius), Derungs, Ellemunter, Engler, Epp, Flütsch, Föhn, Hardegger, Hartmann-Conrad, Holzinger-Loretz, Kasper, Kohler, Kunfermann, Loepfe, Maissen, Märchy-Caduff, Müller (Susch), Natter, Noi-Togni, Ruckstuhl, Sax, Schwärzel, Ulber, von Ballmoos, Widmer-Spreiter (Cuira), Bürgi-Büchel, Collenberg, Costa